



三可集

金剛

和
2389



和
2389
卷



三可遺稿目錄

詩五絕

贈友人

題鏡浦臺

和金冲菴淨贈躑躅枝詩

金冲菴原韻

詠蓮

浪吟

醉吟

詩七絕



述懷

送沈士吉 喪慶免哀如京

登鏡浦臺

進士趙障 追和

知府柳義養 追和

呈四休堂 二首

聞權彥器 瓊落第還鄉

崔師傳益齡 草堂次韻

原韻申企齋 光僕

趙龍門 呈

詠雲呈四休堂

借鷹

詠松

雙閣亭次府使朴光祐韻

呈金豐川 元卿

次禿山松亭四休韻

過文叔墓

郎事

述懷

次具府使壽融 相別韻

避寓述懷

贈友人

次沈士吉 青慶韻

詩五律

呈四休堂

送金子任光 軫宰晉州

詩七律

次沈士炯 青光韻 二首

次養蒙堂韻

次沈士炯 青光 掃先塋韻

族親衛李禎抗

賦 天下大器 中進士第四人

疑 問使民 中生員第四人

簡牘

與友人

雜著

無題

戒子命賢詞

附錄挽章

四休堂 七律 二首

府使李頤 七律一首
絕三首

權尚元 七律一首

雙閑亭詠洪學士翼漢 七律

祭文

四休堂文

金叅判光軫文

監司松江鄭澈文

監司寒崗鄭述文

府使洪聖龜文

無名氏文

親著

出三綱行實

出東詩文章部

出芝峯類說

出臨瀛誌

出家乘

出龍宮邑誌

出己卯錄

出孝子部

雲谷翰苑雙閑亭記

李陶菴撰墓表銘詩並附

金奉朝賀鍾秀孝子碑陰記

俞左相奏鑄跋

柳參判義養行狀缺

請行狀文

四休堂遺稿目錄

詩七絕

禿山松亭韻二首

輓三可堂二首

次沈漁村彥光韻二首

詩七律

次沈漁村彥光韻二首

輓三可堂

金冲菴淨贈詩五律

祭三可堂文

出臨瀛誌

出已卯黨籍

出已卯錄

傳旨賢良科

啓目

龍軒事蹟

行狀

出家乘

出三綱行實

楊蓬萊士考記

司院院契會帖

出臨瀛誌

三可先生遺筆

嘉靖七年正月十三日

遺筆

遂作戒詞付手文記以起後日觀感云

凡今之人兄弟之情古人有言

莫如兄弟出處各異本支百世

本是为宗根孽雜異汝念天顯

支是为庶皆吾當省納德而貴

輕財重倫 母忘此心 刻沙獨子
好孝人道 永以為好 好立寡助

患乱能扶 惟此兩兒 戴汝山岳
疾病能救 舍獻汝後 仰汝父母

母忘此心 我能五帝 非厚同氣
永以為護 一事未修 兩堵事長

指食解衣 汝在吾側 母忘此心
窮倚惡周 身越目睹 永以為保

孝友之訓 惟是金遺沙 孝友之行
是謂嘉室 以此為教 是謂乙壽

能老壽陰以 而子而孫 守我身法
以為此德 而曾及玄 萬世永傳

勉之我

自平筆梳父前縣監

孔道行



三河先生集 四休齋軒並附

詩五絕

贈友人

鳳閣忠明主鶴堂孝老親忠孝餘有事朋友亦居倫

題鏡浦臺

渭北傾坤軸荆南共洞庭岳陽樓一角漂泊滌東溟

和金冲菴淨躑躅枝詩

似孀直先伐故欲申其身直性猶存內那能免芥斤

原韻

萬玉層崖裏九秋霜雲被持來贈君子歲晚是心

期

咏蓮

薰如君子道花似德人容茂叔千年後清香萬古同

浪吟

口耳聾啞久唯餘兩眼存紛二世上事能見不能言

醉吟

小甕今朝熟無勞問酒家重陽明日是何處有黃花

詩七絕

述懷

春雨濛濛夢不成旅愁坐待鷄鳴天何盡奪青年

事不使全忘少壯情

送沈士吉彦慶免臺如京

泣血三年兩眼乾更揮餘淚別離間君承堯詔高車
去我踏箕溪匹馬還

登鏡浦臺

鏡面磨平水府深只鑑形影未鑑心若教一云肝膽
俱明照臺上應知客罕臨

追和

可翁遺句意何深亦足提醒俗客心自信靈臺無
點累倘能容我此登臨

已亥冬進士趙障

三可先生詩板年久朽敗改刻以揭遂次其韻
可老詩中意最深鑑湖一面照人心何須到此方
存警暗室常如上帝臨

茂茂知府柳義養

呈四休堂

相阻一日如三月戀乃心知戀我心毀則斯踈言似
薄故人交道不如今

又

三五綱常於有云我何一鄉全美在君多盡入一襟

看兼老蓬直諱知實賴一作賴倚麻

間權彥器建落第還鄉寄一絕

屋君東里人來報昨夜西家因馬嘶衣錦還鄉余日
望如何猶著舊麻衣

雀師傅益齡草堂次申企齋韻

昨宵乘興訪柴扉看竹歸來雪滿衣松下莫留童子
去客來猶恐問師歸

原韻附

沙村日暮叩柴扉夕露霏之欲濕衣江路火明聞
犬吠小童來報主人歸

右申企齋光漢

十年長掩故山扉
塵土東華幾染衣
遙想鏡湖秋夜月
子規應喚不如歸

右趙龍門呈

咏雲呈四休

浮雲一片態無常
朝暮衣狗爰白蒼
不作春霖蘓朽草
謾遮山踞滯行商

借鷹

鷗無孽博一云翼人無癖
鷹得膏雉悅者多
若使捕風而捉月
先歸江海主人家

詠松

宜只云持高節
藏於內不必開
凋物不同偏爾獨好

東後邑人之從此得知松

雙閑亭次朴江陵光祜韻

灑之高亭枕海邊
皤之雙老醉頽然
趣添縹緲三山外
天入蒼茫一望前

呈全豐川元卿

文章巨筆大如椽
惠手如何相似紗
若使婦人持此手
鐵之能織百升麻

次禿山松亭韻

百古浮生孰作公
一身非是資皇天
調元手豈漁竿老
明日還吾獨釣船

又
莫恠山翁不學公，一生脩短付蒼天。
要津堪笑嗚呼，楫褰涉山溪不用船。

過父叔墓

痛先親死猶君死，悲失知心是我心。
宿草荒涼那不笑，無端殘淚自沾襟。

卽事

病父歸孀佩網筐，溪南魚子數寸長。
豆青稻白相傾，汰須拾蓬蒿煮夕陽。

述懷

林泉屋豈全忘世，時向西風戀至尊。
雨露皆天芽發地，漁樵閒老亦君恩。

次具府使壽聯相別

天高民未一季借臥輒難留，泣下多村婦不知離別。
恨隔林猶唱五袴歌。

避寓述懷

旅寓離家久，莫新年香卓舊年塵。
生無為養死無禮，天地三綱一罪人。

贈友人

少壯交遊問幾何，只存雙老臥田村。
相逢兩日情猶

恰不必西山待日登

次沈士吉彦慶韻

窮前千日千相見
達後一季一得書
疲夢不知窮達
異有時相款少時如

詩五律

呈四休堂

十載林泉共一溪
南北屋護園偏養菊
垂釣為隣
得醉忘窮契
纔醒問酒餘
百年能幾許
嘯嘖一丘墟

送金子任光軫宰晉州

離亭情不禁
分手淚難收
鼉石南天遠
孤鴻北海秋

花榮荆樹茂
民得武城遊
五馬君竟學
雙閒我白鳩

詩七律

次沈士烟彦光韻

生平無辱又無榮
棲碧溪山絕俗情
採藥山童穿竹
語種豆田夫入雲耕
園中果熟從鳥啄
階下苔荒任草生
皓首高山歌采之不聞人世走葵烹

又

舉去奔波利祿榮
獨貪江海兩翁情
一盃村酒同期
醉穀畝山田耦以耕
始悔青年總過半
如今白髮混頭生
遣童連報如何事
舊醞初澄鷄黍烹

次養蒙堂韻

枯榮遠轉古猶今陳迹真如鳥過音風雨十年長入
夢襟荒三迳始開襟琴書自有羲皇樂歌咏應無衛
鄭音養正從來先聖訓一生何害一投簪

次沈士烱彥光掃先塋韻

哭親俱未六旬年咎在吾身得罪天憾之三年哀罔
極違之百去痛無邊圖書不耐存餘澤碑碣空悲鎖
斷烟式造九原歸侍日丹砂曠鍊不求仙

族親衛李禎挽

嶺外緣婚遠帝城謂他人父謂他兄白雲山巖類同

奠清福堂樽幾共傾慕仰吾虛君倒意信從君直哉
忘形可憐何處孤魂托哭送荒山淚濕旌

賦

天下大器弘治十七年甲子會所製

惟天下空濶而博大強名之曰大器質初開於鍊石
形始成於二氣範六合而橐籥一乾坤而磅礴載混
崙峯華而不壓注三江五湖而不溢歷萬古而不為
盈虛真中藏於叵測乃有林之赤子紛之庶類並處
於一器之內總載之而成聚是恢之神器非一人
之私有大器不可以無主帝養德而命守若乃三皇

建極五帝安宅措之於禮樂之中置之於仁義之內
器在太華之上羌鞏固而盤安迨夫春暎風雨漢唐
日月爭之以兵革保之以智力或以爲斤工之肉或
以爲囊中之物器在蠻觸之間竟苦窳而分裂器何
異於古今在置諸之不一轉一元千又百芳紛幾度
其離合德昭者守德怠者奪興亡草口而難具仰皇
明於今日三陸一統八荒一席萬民共登於春臺四
方咸仰其皇風余亦不器之君子向丹墀而獻忠

疑同會所製

問子曰使民以時孟子曰以佚道使民使民一

也而或以時或以佚何耶聖賢之言各有所指
耶抑有淺深輕重之可論歟

對愚少也私自以愛民之方本有一道及觀聖賢之
書而有疑於昔日之意者有日矣何則夫子曰使民
以時孟子曰以佚道使民使民一也而夫子之以時
爲言何指而孟子之以佚道爲說亦何指耶此執事
之所當疑而愚生之所願陳者也即聖賢之書而究
聖賢之旨則明問之疑庶可卞其槩矣論之古者役
民必以時以則農隙之時也農之事春而耕夏而耘
秋而收冬而藏役民於春則不得耕役民於夏則不

得耘役民於秋則不得收役民於冬則不得藏不耕
不耘則民未卒歲矣故役民必於收藏之後閒隙之
時也聖人之憂民爲如何哉若夫詩曰民事不可緩
也事則播穀乘屋之謂也民之生宮室而居粒米而
食民情莫不欲安而宮室乃安之所也民情莫不欲
富而農桑是富之源也上之使民以此安富之道則
下不勞其勞而不怨乎上此孟子所謂悅而使民口
忘其勞也嗟乎役民豈聖賢之所欲哉固有事焉鑿
斯池也築斯城也以備患也此非得已之事非民力
不營也則其可不用民力乎然猶恐其妨農故必以

時後用之民有事焉播百穀乘厥屋以生生也此亦
非得已之事而民或怠焉故使之晝以茅夜以索勗
以耕督以植雖拂於民之私欲而自無怨焉合此觀
之夫子之言則明國家役民之道孟子之說則示民
事所當爲之要使民雖同而其事則不同故言時言
侯亦不同也然其實則安民之志務農之意明問之
穀畧陳於前矣於篇終感執事輕重之問而爲之說
曰愚也螢總末學安敢輕重之問而一言於聖賢之
間哉因程氏輔氏說而妄陳一論程氏釋以時使民
之語曰聖人之言雖至近推其極堯舜之治而無以

過此輔氏釋孟子以佚道使民之語曰民雖勞而無
愆然則夫子之言則乃萬世百王之成憲孟子之言
則但安民務農而止矣孟子之言比方他人雖未幾
及而比於夫子之言小有輕重之差以夫子之言使
民則自安於聖化之間自耕而食自織而衣不待勸
畊而後耕勸耘而後耘也以孟子之說使民則民有
辛苦之心而但無愆言耳吁孟子之言有跡而不如
孔子之渾然也孟子之民則知其勞我佚我而又不
如夫子之民安我佚我不知之而自至於安佚也况
聖賢之別如此則不待智者而可卜矣愚也仰明問

不知獲宸伏以謹對

簡牘

與友人書

生少也蘖洙泗之氣得心病正能方而不能圓及長
中闕里之風得口病名曰直言盡而不能諱也由是
百病不離於已眼有明病股有不屈之病手有調元
之病恒臥文房呻吟度日三十年于茲矣

雜著

無題

小我吾之器也人譽則喜人毀則怒者怒其吾之

不可也喜者喜其吾之可也怒時吾則吾也非跬踰也喜時吾則吾也非顏曾也一吾而以人言遂以吾為二吾小我吾之器也

戒子命賢詞 嘉靖七年戊子正月

元今之人莫如兄弟兄弟之情貴賤無界古人有言本支百世本是為宗支是為庶根孽雖異皆吾苗裔汝念天顯納僕而賞輕財重倫所貴人道毋忘此心永以為好矧汝獨子孤立寡助患難誰扶疾病誰救惟此兩兒會從汝後戴汝山岳仰汝父母毋忘此心永以為護我於五常一事未修惟厚同氣閭墻事無

惟會解衣窮濟悉周汝在吾側耳熟目睹毋忘此心永以為保孝友之訓是謂嘉寶雖無金遺汝以此為教孝友之行是謂天爵雖無爵蔭汝以此為德而子而孫而曾及玄守我家法萬世永傳勉之我勉之我

附錄

輓章

斗南當日冠羣賢千載高名史永傳恩到穎川黃霸右孝居莊屋老萊前心情既與死終始生歿如何異後先一閉佳城休敢惜樂夫天命古來然

又

渠家我屋一山林朝夕相輸尺寸心
在酒詎能泉下到從今無復與君斟

又

生平擬結管鮑情一別乘鸞楚越行
肝膽肯將生死愛殘閒亭上月分明

右三首四休朴公達

人生七十古無多終始哀榮孰有加
赫赫芳名留史冊綿餘慶屬傳家
駒光隔眼翻今昔塵路傷心遠笑歌寂寞他年詩酒社空椽落月張如何

又

放浪江湖日月長飄然歸去白雲鄉
茶鐺釣具寒無

生依舊春光屬野堂

又

琴書零落屬誰家鷓鴣依然下晚沙
北海樽空車馬散故園春色自殘花

又

產歌曉發故園春星月依然吐清晨
厭在歸真味不恣何須惟悴苦酸辛

右四首府使李願

毅然才氣更無雙早把經綸未施邦
龍城政似陶彭澤鏡浦還如孟漢江
軒羲日月耕南畝堯舜乾坤臥北牕
欲將累筆銘清節自愧吟詩乏巨杠

右權尚元

雙間亭追咏

芳筍占設白鳩沙風入寒潭浪作花列坐長纓踏後
士盈樽清液盡流霞天連蓬島三千里煙鎖漁村四
五家莫道此間原野隔夕陽殘笛亦繁華

右洪學士翼漢

此詩雖不載花浦集中既出於東國名賢錄而以
花浦姓諱及登第年月官職履歷直書明白故書
于篇末以備參考

祭文

天生烝民有典有則五倫始叙朋友居一余自結髮
取友必端掌中雲雨云何足觀惟我與君道同業同
比肩連袂幾載相從薰其德性蘭臭彌芳惟孝惟友
偉都堂之令聞至天廡獎厥德表厥宅里豐碑是刻
束帛立園蒲車是安引對丹墀咫尺天顏分憂百
里歌頌杜石宦海多風遭歲黃鬼君既脫屣我亦家
食栗里田園菊芳裕青朱陳古村犬吠鷄鳴三間白
屋一溪南北相呼詩酒不朝即夕在此無斃永矢不
忘天何不佑奄爾云亡已矣此生無復對床言念至
此老淚千行嗟乎同一出處同一行裝肝膽亦同何

負幽明歎爾亭月萬古長明公乎公乎公知我心敬
陳薄具公豈不歎

右四休朴公達

寬弘其量仁厚其德處士高潮參軍俊逸蓮榜第四
人暫試文墨之小技龍門隔三級終韜淵源之大才
痛哉短喪之謬制毅然持服而不回數尺旋閭之石
一生涉行之規薦名楓宸昵承超擢之命分符龍縣
旋賦歸去之辭付身立於江湖任風流於丘壑醫術
既精自謂衛生之有效夙疾為祟豈意捐館之是遙
蕭蕭風號乎荒草野飄之仙去乎白雲鄉凡在見聞
里有美名說不悲傷卷無居人光輟幸忝親朋又接

芳隣職廢完山未展匍匐之禮身遠鄉曲莫伸綢繆
之心茲用痛楚益復悲吟張酒燼之愛隔袞隣遂之
懷咽奠無庶羞惟酒一勺人之嗜好無間幽明庶幾
如在之靈歆我由中之誠

右金叅判光輟

長者風古人心典于學遜于林家四壁晏如也者得
喪塞翁馬丁母艱短喪日廬三季服衰經表政事宰
十室翻然起倏爾還杖鄉躅亭嘆閒一葉舟鏡湖間
尾樽酒酌以瓢臥歲皇歌逍遙高士傳有此無施不
普命矣夫 澈後生分憂來代 致誠來舉杯

右監司鄭澈

號松江萬曆八年
庚辰三月

事親願孝人子所同厥惟無憾實惟我公制行之粹
鄉黨所宗峻若難犯卓乎其洪一作滄然無求處士
之風幽貞名聞徵辟禮隆奉符百里移孝為忠窮達
一致詎窺其中頃我作宰式問必恭今我杖鉞祭墓
以酌酒雖單薦誠則豈想公如在來鑑余衷

右監司鄭述

歲寒萬曆丁酉八月

國運中否昔際昏濁創變制禮以日易月迫以淫刑
何人不屈公當此時挺然獨立惇惇如痛三載如一
顏波砥柱用振末俗束帛爰二天闕尺席高風百世
芳躅如昨緬挹前烈九原難作敢陳菲薄庶幾歌格

府使洪聖龜 辛丑年

臨瀛仙府楓岳神山鐘精千年是生一人松貞竹勁
玉潤冰清全性孝友餘力學問可就缺鉞難脫衰經
金石感誠福一作自遠中興封表先及高行新政
舉逆僉曰俊才九重席上遽見白衣之對千載王前
夏者堯舜之陳暫布弦歌於十室旋思松菊於三逕
蒼生卜其出處白首樂於耆盤德不孤矣閒者為嘆
事非一也可者至三海茂溪頭草廬數間竹林松塢
濁醪一樽隨事言行為軌範而銘人肺肝遇與吟咏
作膾炙而騰人牙頰肺肝之銘以肺肝相傳沒去不

忘牙頰之騰以牙頰相播永代不泯况石刻之臨官
道雖行旅而猶起敬三孝旌二賢舉並見於一門百
世師千載士共傳於萬代

若失姓名

右三可堂遺稿詩三十四首文五首即已卯賢良朴
先生著也嗚呼已卯距今幾三百年矣至今聞說當
時事雖嬾人孺子莫不咨嗟憤罵於靜冲之裙袂貞
之奸蓋神武夜開而東市朝迫一時名士大夫無得
免者先生先以解印綬屏居鄉里四休先生其族父
也去棄官歸校履詩酒嘯傲乎海風江月之間道義
相劇舍章自貞平以是超然免於禍雙閒一亭歷幾
去人猶誦之不衷雖疏氏叔姪何加焉詩所謂既明
且哲先生有之矣當燕山設淫刑以嚴短袞之令也
先生獨持三年晚值中廟啓運被徵陳堯舜之道

若可以有為而三可四休已見微意終以天年身完
名全雖其行歲禍福與諸賢殊而其道則同矣今其
後孫時赫等悞先生遺囑久而益泯圖入梓以壽其
傳徵予一語予謂傳先生固無待於詩文而詩文之
出自先生者其可以無傳乎夫出自先生者雖隻字
片言猶可為後世重况如躑躅杖詩與友人書有
足以觀先生清權之中耶嗚呼其不可以不傳也先
生名遂良字君舉江陵人云

崇禎三甲寅後學祀溪俞彥鎬謹跋

三可先生文集終

雙閒亭記

公諱遂良字君舉當燕山朝短在法甚嚴自分寧死
於鈇鉞守內夜公然廬墓三年中廟朝與鄭諷謹
同時旌表為人篤行不事文墨而遇興吟咏必膾炙
一世中甲子生進之後不復應舉選賢良又為己卯
諸君子所薦中廟引見歷陳唐虞三代之道授龍
宮縣監不待督郵之至解印歸家更不出仕名其亭
三可自解曰我無學術登司馬可無辱我無田地日
再食可無飢我無仁智居山水可無俗云金沖菴
贈躑躅杖詩曰萬玉層崖裡九派霜雪枝持來贈

君子歲晚是心期其推重如此公之堂叔公達清慎篤學氣味與之相合亦選賢良登第拜騎曹負外棄之還鄉同住一溪家下海口有崖斗起二人日往道遙號雙閒亭為堽景仰而屏迹嶺外故已而之變祿不及焉公外從祖李成茂亦以修行著名叩冰奠躍毋疾即差孝感上聞旌門廢爵官至監察公弟之子億秋父病思鴨舉石一投兩鴨並墜嘗部蘓快亦為旌異美一作官至郡守一門四人兩選賢良三樹孝旌舉國美族華族無與為比曾孫仁淳仁覺立碑亭上請文以記之

右雲谷宋翰弼記

雙閒亭重修記

江陵治北二十里有雙閒亭亭名曰雙閒者何也在昔朴三可先生諱遂良己卯擢賢良科時神武夜開靜冲之禍作而當世名士大夫歎有免者先生即屏處田野以杖屨詩酒逍遙乎海山風月之間先生堂叔諱公達號四休公亦以賢良選而共家于是日盤桓其上扁以雙閒蓋亦義有取焉其自號三可者前記已備其曰四休則亦以休退之義也而地以人顯今三百年于茲矣先是燕山嚴短喪之制犯者輒死先生獨毅然克終三年之喪中廟反正特旌其閭

而表之嗚呼偉哉夫以躑躅一詩觀之先生風節之卓然出世可味其大槩之嚮也是以我曾祖陶菴文正公銘其墓曰萬古亭亭松栢心大冬霜雪不能侵此又可以盡先生之義也亭久而頽再昨歲三可諸孫復謀以完之亭在路傍溪上余於巡海之路歷訪舊蹟彷徨久之三可之孫文郁請余為記遂書亭之所以初所以毀與成而歸之

崇禎四庚子九月 日

觀察使

三州李光正書

墓表

續行聖恒溥民周民天等立碑

嗚呼此已卯名士朴三可先生之藏也先生江陵人也諱遂良字君舉甲子司馬燕山嘗嚴短窄之制犯者輒死先生時屈母憂慨然曰寧死於鈇鉞不敢違先王之制也廬墓以終三年 中宗反正三命施其孝逆賢良 特授龍宮縣監 上召見問曰堯舜之治可復為之乎先生對曰可 上曰何由知其可也對曰臣生長草野喜者本草方草之性古之甘者今亦甘古之苦者今亦苦草之為物至微而其性猶如此人姓豈異於古今哉若以堯舜之治之則其治

不難致也 上嘉歎之邑有兄弟爭田父不決先生令
 具盛饌招訟者上堂謂之曰我為汝地主使汝兄弟
 爭訟我何面目臨汝乎此適為汝餒我而設也仍喻
 以古今兄弟友于之情若蘓瓊之於乙普明流涕滿
 觴其人感悟毀券相讓先生曰人誰無過之而能改
 善莫大焉又舉酒相屬其人終身友愛不衰及士裕
 作棄官歸江陵行囊蕭然惟一空籠堂叔公達號四
 休亦登賢良科為騎省郎與先生隔溪而居杖屨從
 遊海澨有小皋樹以松栢日盤桓其上入號之曰獲
 聞先是金冲菴淨自楓嶽訪先生于家齋博對酌臨

別贈躡獨杖有詩曰萬玉層崖裡九炁霜雪枝公和
 之有曰似嫌道先伐其微意可見一時士流斬伐殆
 盡而裕獨不及於先生焉先生遇興必吟哦無塵俗
 氣評詩者以為如天馬行空不施韁勒云余素慕先
 生風節以鄉人之請作銘詩使揭于碑陰詩曰
 萬古亭之松栢心大冬霜雪不能侵我欲一鼓師襄
 琴魂招不歸海雲深

嘉善大夫司憲府大司憲兼守弘文館大提學藝
 文館大提學知春秋館成均館事李緯述
 嘉善大夫司憲府大司憲
 洪鳳祚書

碣面書有明朝鮮國臨瀛處士朴公諱遂良之墓
墓前舊碑面書臨瀛處士朴遂良之墓

孝子碑面書孝子處士朴遂良之問碑闕在道側

朴三可先生旌孝碑陰記

此三可先生朴公旌孝碑也公字君舉慶州人燕山
主令國中短喪不從者死公獨裹經廬墓以終三年
中宗反正命旌公之孝陶菴李先生緯銘其墓初
已卯諸賢舉公賢良為龍宮縣監上召見公問三
代之治可復否公曰可上曰何故對曰臣喜看本
草之性古之甘者今亦甘古之苦者今亦苦草性猶

然况人乎三上稱善先是冲菴金文簡公淨以躑躅
杖贈公詩中有九炷霜雪歲晚心期之語公和之曰
似媯直先伐故欲曲其身直性猶存內那能免芥斤
嗚呼今去公之時三百有餘年而草性之對躑躅之
詩雖寥寥數語耳猶可以想見公所學之正先見之
明其可敬也已

崇禎三癸丑中秋後學大匡輔國崇祿大夫行判
中樞府事清風金鐘秀謹書

雜出別錄

朴遂良燕山朝短夜制遂良時遭母喪猶服裏三年
今上三年旌閭

右出輿地勝覽本朝新增人物部

朴遂良江陵府人也燕山朝短夜制遂良時遭母喪
猶服裏廬墓三年 恭僖大王朝旌閭

右出三綱行實

朴三可先生詩不墮去俗曰中若天馬行空不施韉

勤云

右出文章奇

朴幾閒遂良江陵人也以龍宮縣監退隱于鄉金冲

蒼自楓嶽往訪以躑躅杖並詩贈之曰萬玉層崖裡
九殊霜雪枝持來贈君子歲晚是心期公和之曰似
憐直先伐故欲曲其身直性猶存內那能免斧斤蓋
戒其避梧而冲蒼竟亦不克惜也右出芝峯類說
金叅判光轍亦在海上以氣節相許時仕于朝作詩
以寄三可曰投級明朝歸海上雙闕從此作三闕之
句云右出臨瀛誌人物部
韓汲為江陵府使政虐後贓敗流嶺南朴三可以龍
宮倅往訪之方懺過哽泣忽舉目見三可之從人挾
編鳥羽雨衣便乞之笑與之人之無恥如此

君出臨瀛誌

公生於成化乙未時有天使來曰處士星見於東方
東方必有處士之生矣及公之歿天使又來曰某年
月日處士星已殞處士之卒可得知否以其時考之
則乃公下世之日也天使歸奏詔史官特書東國處
士朴某卒云文蹟雖無可考而處士之稱倘由於此
四休挽公詩曰千載高名史永傳府使李瀨挽云赫
赫芳名留史冊者無乃以是歟右出家乘
朴龍宮赴官之日乘青雌牛而南矣及棄官歸牛已
乳矣回付其犢於官簿如苗壽春故事其廡介可見

右出龍宮邑誌

醫俗軒朴公民獻嘗按節關東登覽閒亭追慕兩先生
邀遊自得之趣親訪古迹溪山幽靜松檜掩映
閒亭宛然如昨嘆賞不已使畫師圖其形勝而歸云

右出已卯錄補遺篇

孝子裴延壽少時見育於外舅朴遂良家竟以孝
家法之傳實有所自云

右出孝子部

朴三可遂良為龍宮倅嶺南浩大故訟牒煩積公剖
决如流其傍八九邑民有滯訟者皆來就决焉

右出龍宮誌及江陵鄉賢錄

四休先生遺稿附

詩七絕

堯山松亭韻

湖上清遊是謫公舉杯相属問蒼天江南風月誰能
管只在一作橫波野渡船

又

相從今日飲中公牛背樵歌落晚天江亭時雨知豐
歲應見秋風棹酒船

挽三可堂

渠家我屋一山林朝夕相輸只寸心在酒詎能泉下

到從今無復與君斟

又

生平擬結管鮑情一別兼驚楚越行
肝膽肯將生死變雙闌亭上月分明

詩五律

次沈士烟 庚光韻

繞屋青山上青蒸住伴持天垂圍大野
溪曲抱園籬碧海雲歸夕平湖鴈落時
逍遙聊解憤江月照無私

又

幾度殊風起江東始得回拘攣
般鼎手漂泊洛陽才

齊利真鷄筋雲林正鶴胎庶豪肝膽在壯氣尚恢

詩七律

次沈士烟 庚光韻

袖中神劍是龍泉醉把行吟負郭田
落魄湖山尋舊約投簪松竹結新緣
不堪眼軟思君淚肯惜囊空買酒錢
世事從來寧有定昇除翻覆似蒼眠

又

幾年香案侍楓宸翻任天涯一逐臣
北闕縱難能徹意東門容易可藏身
平生事業無遺策半世悲懼不惑人
天序四時功者去春風縹緲又殊旻

挽三可堂

斗南當日冠羣賢千載高名史永傳
恩到潁川黃霸右孝居莊屋老萊前
心情既與無終始生死如何異
後先一閉佳城休敢惜樂夫天命古來然

贈朴江湖

相逢棲隱處此地郎蓬瀛
江海扁舟月飄浮一客
星趨添骨遠眼入鏡湖青
分手又千里馬前霜
葉零

古金冲菴 淨自楓岳訪公贈詩

祭三可堂文

天生烝民有典有則五倫是叙朋友居一余自維

取友必端掌中雲雨云何足觀惟我與君道同業同
此肩連袂幾載相從薰其德性蘭臭彌芳惟孝惟友
備節堂亡今聞至天廢獎厥德表厥宅里豐碑是刻
東帛立園蒲車是安引對丹墀咫尺天顏分憂百
里歌頌杜召宦海多風遭歲黃免君既誕脫我亦家
倉粟里田園菊芳松青朱陳古村犬吠鷄鳴三間白
屋一溪南北相呼詩酒不朝即夕在此無斃永矢不
忘天何不佑奄甯云亡已矣此生無復對床言念至
此老淚千行嗟呼同一出處同一行裝肝膽亦同何
負幽明唯閑亭月萬古長明公乎公乎公知我心敬

陳薄具公豈不歎

朴公達始行之子早擢進士修行不仕金冲菴淨遊
楓岳聞公及朴三可遂良之名因往訪之服其為人
還朝力薦之擢己卯孝廉科歷弘文著作任兵曹佐郎
及士林嬰格公退在鄉與三可先生同居一村朝夕
往來講劇經學樂以忘去公性端慤雖隆寒酷暑
整服危坐擇言而發三可性踈蕩磊砢不事修飭雖
對雜人戲謔不厭所尚不同如此至其忠孝大節炳
如日星者相同故後去並稱為善士右出賸瀛誌人
物部
朴先生公達字大觀號江湖登薦科官至兵曹佐郎

及罷科後與三可公常為酒朋會海上小崖迄承繼

酒日以為娛時人號曰瓊閣亭但兩家間水或不屬

揭則各於岸上隔水對坐舉杯相邀與盡乃已丙子

秋冲菴薄遊關東匹馬往訪曾未面目各言姓名始

相親款留數日乃還遺詩曰此地即蓬瀛全篇乙已
見上

復科拜承文校檢不就隆慶又復科還本職公晚號

四止堂解曰坐止高陰下步止冀門裡所食止園葵

大權止穉子云右出已卯黨籍

沈虛翁尚震按閑東嘗就訪先生語人曰斯人如玉

壺秋水云右出已卯錄

賢良科傳旨

王若曰為國之務人才最先薦賢之責唯在宰輔旁
求後又吐哺握髮古之良相咸以是為急求之有道
世豈無人予之臨政願治求賢如渴一紀于今然而
治效未著賢才或遺注擬之際每有乏人之嘆豈不
深可慨哉欲賴羣哲之輔庶臻治理之道咨爾政府
其體予懷廣詢博訪以副予仄席之意事下議政府
議政府禮曹同議三啓目

云歷代取士之法規制各異難以編舉西漢孝廉
賢良等科最為近古又其選舉之方考諸史可見元
朔元年詔郡國縣官有文學敬長上肅政教順鄉里
出入不悖所聞令上長承上所屬二千石二千石謹
察可者令與計偕建武十二年詔三公光祿勳監察
御史司隸州牧歲舉茂才四行各一人四行謂淳厚
質樸謙遜節儉也郡國茂才偕計到京師天子臨軒
親策云選取節目詳悉備具今依倣此求行兼備
可行之人令京外審覈名實廣薦京中則四館專掌
勿論儒生朝士薦報成均館轉報禮曹中樞府六曹
漢城府弘文館亦舉所知移文禮曹外方則畱鄉所
報本邑守令守令報監司監司更謹察移文禮曹禮

曹合取京外所薦聞其姓名行實報政府 啓聞殿
策諸事臨時 啓稟間有名實乖戾謬舉之弊亦爲
可慮舉主姓名並錄以憑後考何如 啓依兄
上御勤政殿 命題策問京外所薦一百二十人策
取金湜等二十八而公居內科第十人

附

行狀

公姓朴氏諱公達字大觀其先系出新羅中移江陵
爲江陵府人新羅功臣大阿飡堤上之後曾祖諱自
儉端川郡事祖諱中信永興判官考諱始行司諫院

司諫妣英陽南氏生負邁之女生二男公其季也公
以成化庚寅生公稟性醇謹端慤孝友篤至雖隆寒
盛夏整服危坐擇言而發鄉黨補爲善士焉中乙卯
生負之後修身飭行堅坐讀書不復治舉子業金冲
菴雅聞公及公之堂侄遂良公之名丙子秋自楓岳
來訪曾無一面之素各言姓名始相親款畱數日而
歸贈詩以別之有曰相逢接隱處此地卽蓬瀛江海
扁舟月飄浮一客星趣添皆骨遠眼入鏡湖青分手
又千里馬前霜葉零蓋以隱逸許公也及還朝力薦
之中廟十四年正德己卯朝廷選孝廉時京外所

薦一百二十人 上御勤政殿 命題策問取金湜
等二十八人而公居丙科第十八是年拜弘文著作
歷兵曹佐郎及士林嬰禍羣小指以薦科爲非公而
罷之公退居江陵卜築沙月與三可結爲道義之交
朝夕來往講劇經學樂以忘世家下海口有巖斗起
二公日遊其上樹以松栢世號曰雙閒亭兩家隔溪
時或水漲不能揭厲則各於巖上隔水對坐舉杯相
勸興盡乃已三可堂先公而卒公作文以哭之有雙
閒亭月萬古長明之句公廢處二十餘年至 仁廟
元年嘉靖乙巳 命復薦科除承文校檢而辭不就

明廟卽位之初李苞仁鏡等 啓羅薦科 宣廟元
年隆慶戊辰李公浚慶等以雷霆之變 啓復薦科
還公本職先是尚領相震巡按關東就訪之退而語
人曰斯人如玉壺秋水其推重如此公初號江湖晚
號四止堂又號四休嘗自解四止之義曰坐止高陰
下步止葦門裏所食止園葵大懼止穉子其閒淡自
適之趣可見公贈沈漁村詩曰不堪眼軟思君淚雖
處江湖之遠而愛君忠國之誠未嘗少渝也年八十
餘而卒鄉人立祠于社以鄉七賢享祠焉公卽其一
也其後朴醫俗軒民獻按節關東追慕兩先生遊

自得之趣親訪古迹溪山幽閒松檜隱映雙間亭宛
然如昨乃嘆賞不已使畫師畫其形勝而歸公天資
甚高慕道希賢出而為一世之所宗處而為一鄉之
矜式非有力學篤行之實能如是乎

四休先生遺稿終

聾軒事蹟附

公諱億秋字德叟江陵人也三可先生之從子四休
先生之族孫生於成化癸丑性至孝又承家庭之訓
薰陶既摯觀感甚敏父有七年之病聞野鴨可醫號
泣禱天至誠求之忽有一雙鴨飛下於門前小井公
以石投之兩鴨俱墜取以供進病即蘇決後又以病
氣絕公呼天斷指以進而即甦孝感一上聞

明廟朝旌閭遂舉孝廉官至清風郡守號聾軒卒于
嘉靖庚申享年六十八

石出家乘

朴億秋江陵人也誠孝出天父有七年之病聞野鴨

可醫至誠求之一日有兩鴨坐井水上投石俱獲以
進父嘗之病愈後又以病氣絕公呼天斷指以進郎
甦 恭憲大王朝以孝 旌閭 右出三綱行實
揚蓬萊士彥撰進士李宗孫碑文曰朴允良之子信
秋舉孝廉監清河縣云

公為司寇院叅奉時有院中契會帖畧而荷衣公題
詩曰未試殷鼎調羹手聊向天厨妙割烹我亦曾為
太官長強題詩句汚丹青今其帖畧傳寶于子孫之
家

公諱億秋字德叟自幼孝友根性事親至誠父訓傳

公允良病而思鴨時值冬月廣求不得公號泣禱天
適有兩鴨飛下前井舉石一投兩鴨並墜取以供進
病乃即甦人以比王祥云 明廟朝旌閭補郡官清
風郡守 英宗己卯鄉人共議配享鄉賢祠

右出新增臨瀛誌

聾軒先生事蹟終

嘉靖二十三年甲辰二月初四日

吾本病骨年七十出非幸也

今患此疾甚緊氣候危困

身不收臥床呻吟至五年矣何

可久生于世乎萬有不諱予則

以信鬼神事遂息寔他仰生悵

可惜

在手不仁未得自手筆執清

世子億秋書之草

筆執朴億秋

此乃三可分財文券中字而龍軒手筆則亦貴
遺墨尚存不勝感慕登梓以傳後耳

上茅村金相公書 一行狀草

謹按公姓朴氏諱遂良字君舉自號礪巖又號三可
世遂以三可稱之其先出於新羅後世至諱堤上在
金氏訥祇王朝使倭國苑部贈大阿滄於公是中祖
也其後子孫移居江陵曰籍焉高祖諱自儉入我
朝守端川字牧之治登頌人口至今有去思銅碑曾
祖諱中敬中注負氣衆魁偉不拘吏務崔暉軒應賢
嘗為公作醉翁家記傳於世祖諱榮根中生負歷淮
陽教授嘗居芹宮人以大才稱之及還鄉朝廷薦
為師儒以教育英才為樂考諱承休早世不任妣寧

海李氏監察仲元之女孝子良茂之孫貞淑柔嘉甚
有婦德公生於成化乙未自幼孝友天成學問日就
及長雅志高潔無意去踞惟以山水為樂一日鄉人
以新恩來訪母夫人見而補嘆公曰凡為人子悅親
為大吾何為獨不然遂決意赴舉弘治甲子俱中司
馬第四人其後不復應舉當燕山朝短喪之制甚嚴
犯者必死公時居母憂慨然曰寧死於鈇鉞不敢違
先王之制也廬墓以終三年 中宗反正 命旌其
孝丙子秋金冲菴自楓嶽而南訪公于家一見如舊
瓢樽酌留款數日臨別贈躑躅杖有詩曰萬玉層

崖裏九秋霜雪枝持來贈君子歲晚是心期公和之
有曰似嫌直先伐故欲曲其身直性猶存內那能免
斧斤其微意可見也已卯諸賢力薦其行詎選賢良
特授龍宮縣監 上召見問曰堯舜之治可復為之
乎對曰可 上曰何由知其可也對曰臣生長草野
喜者本草方草之性古之甘者今亦甘古之苦者今
亦苦草之為物至微而其性猶如此人性豈異於古
今哉若以堯舜之治之則其治不難致也 上嘉
嘆之邑有兄弟爭田累歲不決公令具盛饌招訟者
上堂仍設酌曰汝等不知兄弟之重分訟作仇我為

地主德化未行使汝同氣致生爭端我何面目忍爲
汝侔乎此適乃汝等餞太守而設也曰諭以古今兄
弟友于之情諄諄教飭曰田土易辨骨肉難得父母
之遺體若手足之左右豈斷一臂以絕恩愛之重乎
仍流涕滿觴兄弟感悟卽出毀券相讓公擊節嘆賞
曰人誰無過而能改善莫大焉舉酒相屬慰獎甚
至其人深服其意終身友愛不衰嶺南浩大訟牒煩
積公剖決如流其倚八九邑民有滯訟者皆就決焉
是年冬士流嬰禍公棄官歸江陵行橐蕭然有一空
籠而已公赴官之日乘犛牛而南及歸牛已乳矣回

付其牘於官簿如苗壽春故事其廉介亦可見矣公
堂叔公達清慎篤學氣味與之相合號四休登賢良
科歷弘文著作兵曹佐郎亦退居親鄉與公同居沙
月村隔溪南北杖屨相從講劇經學時或溪漲不得
獨厲則各於岸上隔水對坐舉盃相邀興盡乃已海
澨有小丘樹以松柏日盤桓其上入號之曰雙闌家
西有岸斗起公名之曰三可亭自解曰我無學術登
司馬可無辱我無田地日再會可無飢我無仁智居
山水可無俗蓋其超然見機優閑自適綽有裕而
一時士流斬伐殆盡禍獨不及焉公遇輿必吟哦無

塵俗氣評詩者以為如天馬行空不施韉勒云嘉靖
丙午考終于正寢時二月初五日也葬于沙火美老
里庚坐之原至崇禎甲申後二年乙酉鄉人立祠以
享之夫人延日鄭氏文科察訪銖之女文忠公圃隱
六世孫也閨範貞靜不以貧窶為意承事君子敬奉
舅姑公之克盡誠孝亦賴夫人之一助也先公卒葬
于公墓南麓數十步許夜坐原生一男曰命賢官叅
奉謹守庭訓篤於孝友嘗以外氏家所分奴婢八口
贖其庶弟兩人其輕財重倫舉多如此側子龍生碩
生命賢娶進士安城李碩珍之女生三男長曰祝宣

務即教機生二男三女一男山立老僉樞二男信立
宣務即一女李景霖二女老僉樞崔蘊玉三女老嘉
善崔挺玉山立生三男一男大民叅奉二男善民三
男振民信立生三男一男元龍二男文龍三男應龍
次曰楨生二男一女一男仁鏡奉直郎濟用監奉事
二男仁覺奉事無后一女沈胤黃仁鏡生二男二女
一男天民朝散大夫繕工監副正二男俊民老嘉善
一女趙汝臈二女沈海寬次曰杞贈奉直郎濟用監
奉事生二男二女長曰仁淳贈通政大夫掌隸院判
決事二男曰仁元一女適士人金景璇二女適士人

崔仁瑞仁淳生二子三女一子震楷中進士天稟高明言議正直鄉里推為關東師儒遂倡論多士創建栗谷書院於松潭累度封章請額從祀竟得蒙光事載栗谷先生年譜卷末嘗遊太學與潛谷金相國埇相修玄誼每見推許即前監察民瞻高王考也二子震棧一女適崔景得二女適金亨震三女適進士曹瑾內外子孫至今蔓延不得盡錄嗚呼公之言行事業不止於如右所錄而嘗聞公臨歿之日取平昔之所吟咏詩軸及撰述簡牘數千篇使燒之曰勿令傳播於世今以不肖後生雖不知公本意之有在而

其事蹟之泯焉無傳實由是耳況今世之相去已過三百餘年高風清節邈焉難攀而若其一二見存者收拾於當世之騰播鄉人之篋笥參究以已卯錄鄉賢錄而臨瀛舊誌之所載繁其詳矣蓋公資稟高潔氣宇峻逸不與世俗俯仰自少志學至老深篤忠孝大節文章博學迥出一世其於已卯諸賢之推許力為可見操履之正抱負之重矣惜乎君民堯舜之志謹試於十室旋即解綬而歸屏跡嶺外與世相忘唯以孝友篤行教誨其子姪薰陶既贄觀感甚敏公之子命賢謹守庭訓以外氏家奴婢贖庶弟兩人撫恤

之甚厚從子億秋父病思鳧跽泣禱天舉石一投兩
鴨俱墜孝感上聞旌楔補郡內甥衰延壽見育於公
家亦以孝旌家法之傳苟非躬行而心得之則其
何能與於此哉噫公之風節宜有見補於當世大君
子闡揚文字而立代寢遠子孫無顯且以僻處頰海
無緣奉贄殆將湮沒而無稽焉幸賴我陶菴李先生
以鄉人之請撰次墓表發揮引重無復餘蘊俾圖千
載之不朽則有光于先立為榮於後孫當如何哉但
生年卒歲未系兆宅不可無誌且旌孝碑亦不可
無陰記而尚爾欠闕不肖之歎於懷者雅矣今我

執事先生幸有立誼於誌於記倘賜一言以責幽隧
則事亦似乎有待也茲敢畧以家乘之所載仰備採
擇伏惟先生進退之不肖後孫天希時赫等謹再
拜





